

Imaam Abu Hanifa (Rh.) Aur Allama Khateeb Baghdadi (Rh.) Ka Tassub

NOVEMBER 24, 2014MARCH 29, 2016 / SK AVAIZ HUSSAIN
KHATEEB BAGHDADI Rh INTIHAYI TASSUB rakhne wale the aur
yeh ek khuli hui Haqeeqat hai, chunanche unke bare mein..

1) HAFIZ IBNE AL-JUZI AL-
HANBALI (Rah) apni SANAD ke sath ISMAIL BIN ABI FAZAL
AL-
QAMUSI AL-ASBAHANI Rah ka Qaul naqal kartey
hain-“Woh(ISMAIL BIN FAZAL AL-ASBAHANI) HADEES ke janne
wale they farmatey the
Main TEEN(3)HUFFAZ e HADEES ko PASAND NAHIN karta
kyunke woh “SAKHT MUTASSIB” aur “QALEELUL INSAAF”
(Buhat kam insaaf karne waley) hain” Woh Hain-IMAM HAKIM
Rah, ABU NU’EM ASBAHANI(rah) aur KHATEEB BAGHDADI
Rah...
Aghe HAFIZ IBNE AL-JUZI Rah IMAM ISMAIL ke is Qual ki Khud
bhi Tayid kartey hain aur farmate hain-“Aur ISMAIL ne BILKUL
SACCH kaha hai aur wo Ahle Mu’arifat mein se the”
(AL-MUNTAZIM, Jild 8, Safa 269)

HAFIZ IBNE AL-JUZI Rah apni Dusri kitab mein bhi yahi
mazmoon zikar farmatey hain-“IMAM KHATEEB Rah un dono
(IMAM HAKIM aur ABU NU’EM) se TASSUB aur BUREY QASAD

mein ZIYADA BARHEY huye hain.”

(AS-SEHAMUL MUSAIYAB bahawala AL-TANEEB, Safa 11, Taba' MISAR)

2) IMAM IBNE HUIJAR MAKKI SHAFI Rah KHATEEB

BAGHDADI Rah ki un sari Riwayaat (jo unhone zair-e-behas kitab TAREEKH E

BAGHDAD mein IMAM ABU HANIFA Rah ke khilaaf naqal ki hain ka Hawala detey huye farmatey hai-“ispar jo cheez Dalalat karti hai woh ye hai ke KHATEEB BAGHDADI ne IMAM ABU HANIFA Rah ki QUDAH mein (JIRAH mein) ko SANADEIN pesh ki hain wo ZIYADA TAR MUTAKALLIM FEAH RUWAAT ya MAJHOOL rawiyon se Manqool hain aur AISI (Bekar) SANADON se BIL-ITTEFAQ kisi bhi MUSALMAN ki Hutak e Izzat NAHIN ki jasakti Chey

Jayeka MUSALMANO KE IMAM ki KIJAYE(yani aisi bekar SANADON se kisi chotey adna se musalman ki Izzat par koi aanch nahin aati toh jisko IMAMUL A'ZAM Mana gaya ho us ki izzat par kia aanch ayegi?

(AL-KHAIRATUL HISAAN, Safa 69)

3) IMAM ZEHBI Rah ne bi KHATEEB ke TASSUB ka izhar karte

huye unki IKHLAQI PASTI ka rona roya hai, aap farmatey hain “KHATEEB BAGHDADI” aur ABU NU'EM aur dusre buhat se ULAMA E MUTAKHIREEN ka koi GUNAH isse BARA main NAHIN Janta ke yeh HAZRAAT BE TAHASHA apni kitabon JAA'LI RIWAYATEIN NAQAL KARTEY HAIN jabkey ye GUNAH hai”

(AR-RUWAATUS SIQAAT, Safa-11)

Muhaddiseen ka ye Usool hai ke MUTASSID ki Riwayat aise Shakhs ke Khilaf Jissey woh TASSUB rakhta ho NAQABIL-E-QUBUL aur RADD hoti hai...

DALIL

1)IMAM SHAFII Rahimahullah

farmatey hain-“MUTA'SSIB LOGO KI GAWAHI RADD KARDI JAYEGI” (Aur kyun RADD kardi jayegi? Iski Kafi TAWHEEL Behas IMAM

SHAFAY'II(ra) ne ki hai)

(Kitabul Umm Lil Shafi:Jild 6:Safa 211)

2) Imam Subki Shafi Rah farmate

hain-“Balke DURUST baat hamare Nazdeek ye hai ke jiski IMAMAT o 'ADALAT Sabit ho aur uski MUDDAH aur SAFAYI bayan karney wale ZYADA hon aur JIRAH karne wale KAM hon AUR WAHAN KOI AISA QAREENA BHI MAUJOOD HO JIRAH MEIN JISSEY MALUM HOTA HO KE JIRAH TASSUB E MAZHABI waghera KI WAJEH SE KI GAYI HAI,

To HUM iskey baare mein JURUHAAT ko QABIL-E-ILTIFAAT nahin samjhenge(yani Radd kardengey!) aur HUM unko AA'DIL(SIQAH) hi kahenge. Warna agar hum ye darwaza kholdein ya Hum JIRAH ko A'LAL ITTILAQ MUQADDAM Samajhney lagein toh IMAMON mein se kon bach sakta hai? Kyunke KOI IMAM AISA NAHIN JISPAR TA'AN KARNEY WALON NE TA'AN NAA KIA HO, ya un mein HALAK honey waley HALAK na huye hon."

Nez Aghe Likhte Hain-"Lekin USOOL o ZABITA to yeh hai jo Hum kehrahe hain ke jiski A'DALAT Sabit ho uske baarey mein us SHAKHS ki baat QABIL E ILTIFAT hi nahin(yani Radd hai!) Jis SHAKHS ke MUTALLIQ Qaraen (SHAWAHID o DALAIL) ye SHAHADAT detey ho ke Wo SHAKHS ZIYADTI ya "TASSUB E MAZHABI" ki WAJEH se ILZAM QAYIM karta hai." (TABQATUSH SHAF'IYATUL QUBRA, Jild 1, Safa 188)

KHULASA KALAAM-

1)MUTASSIB KI RIWAYAT O GAWAHI RADD HAI BHALE WOH SIQAH HI KYUN NA HO...

2)AGAR KOI SHAKHS AISE ADAMI YA IMAM PAR JIRAH KAREY JISKI SIQAHAT O A'DALAT KI GAWAHI DENEY WALEY BUHAT ZIYADA HON AUR USKI IMAMAT PUREY AALAM MEIN QUBUL KI JACHUKI HO AUR US PAR JIRAH KARNEY WALEY KAM HON AUR SAFAYII BAYAN KARNE WALEY ZIYADA HON AUR PHIR JO JIRAH KAR RAHE HAIN WOH TASSUBKA SHIKAR BHI HON TO AISI JURUHAAT US IMAM KE BARE ME RADD HOTI HAIN, AUR IS QABIL HOTI HAIN KE

KHATEEB BAGHDADI RAH INTIHAYI TASSUB rakhne wale the LEHAZA TAREEKH-E-BAGHDAD KITAB MEIN JITNI RIWAYAT IMAM ABU HANIFA RAH KE KHILAF HAIN WOH SABKI SAB BEKAR AUR ZA'EEF HOGAYIN KYUNKE UNKA MARKAZI RAWI KHATEEB BAGHDADI RAH HAI AUR WOH SHADEED MUTASSIB AUR GUNEHGAR HAI...

Allah Hame Haqq Samajhneki Taufeeq De...

Ameen..

Imam Abu Hanifa (Rh) Par Lage Ilzamat Ke Jawab

[CREATE A FREE WEBSITE OR BLOG AT WORDPRESS.COM.](https://www.wordpress.com)